



UNIVERSITÄTS-
BIBLIOTHEK
PADERBORN

**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

3. De Adolescente diuite. Matt. 19. Mar. 10. Luc. 8.

[urn:nbn:de:hbz:466:1-60091](https://nbn-resolving.org/urn:nbn:de:hbz:466:1-60091)

III. De Adolescente diuite. Matth. 19.
Marc. 10. Luc. 8.

I. **I**esus cuidam Adolescenti diuiti quærenti quid boni faciam ut habeam vitam æternam? Respondit: Si vis ad vitam ingredi, serua mandata, cui Adolescens, omnia hæc custodiui à iuuentute mea Iesus autem intuitus eum, dilexit eum. Via plana & regia ad cælum, perfecta obseruatio mandatorum. Quàm felix quisquis ab hac via nunquam grauitè aberrat, & verè dicere potest: hæc omnia custodiui à iuuentute mea, aut certè ab ea hora qua me seruo ad Deum conuertì! multò felicior ille, cui hæc de re in hora mortis conscientia fidele exhibebit testimonium: Is enim firmiter sperare poterit se à Deo benignè respici, paternè diligi, æternumque dilectum iri. Exacta obseruatio mandatorum.

II. **V**rgenti Adolescenti quid adhuc tibi deest? dixit Iesus: unum adhuc tibi deest, si vis perfectus esse, vade & vende omnia qua habes, & da pauperibus, & habebis thesaurum in cælo, & veni sequere me: Cum audisset autem Adolescens verbum, abiit tristis, erat enim habens multas possessiones. En quanta & quàm gratuita est

est gratia efficaciae vocationis ad statum perfectionis? quoties illa innocentioribus & aptioribus negatur, indignioribus & ineptioribus offertur? Gratitude pro gratia vocationis.

III. *Videns autem Iesus illum tristem factum, ait: quàm difficile, qui pecunias habent, in regnum Dei intrabunt! facilius est enim camelum per foramen acus transire, quàm diuites intrare in regnum Dei.* Quis ergo non horreat diuitiarum cupiditatem, quæ est radix omnium malorum, & tam difficilem incertumque reddit aditum ad regnum cælorum, & non anhelat ad voluntariam abnegationem omnium temporalium, quæ Mater est tot virtutum, & tam certam habet promissionem regni cælorum? Detestatio affectus erga diuitias, voluntaria paupertas.

De premijs sequentium Christum.

IV.

Matth. 19.

I. **C**VM audisset Petrus à Christo diuitiarum cupiditatem sic deprimi, voluntariamque paupertatem extolli, ait: *Ecce nos reliquimus omnia, & secuti sumus te, quid ergo erit nobis?* Ex tam affectuosis Domini verbis collegit Petrus magnum esse voluntariæ pau-

pau-